

Nunat Aqqinik Aalajangiisartut
Pingasunngorneq martsip 27-ani 2013-mi
Oqaasileriffimmi ataatsimiinnerannik imaqarniliaq

Peqataasut: Abia Abelsen, Tukummeq Qaavigaq (Lotte Holm Christensen Stephen Heilmannillu ataatsimiinnermi siunnersuutigineqartut e-mailikkut akueralugit akivaat)

Peqataanngitsut: Carl Christian Olsen angalagami peqataanngilaq, Stephen Heilmann nappaalalluni nalunaarpoq takkussinnaanani


Allatsi: Arnaq B. Johansen

- a) Tikilluaqqusineq
- b) Tunumi, Torsukattaap akiani nunaminertap Aatsitassanut Ikummatissanullu Pisortaqarfimmit saaffiginnissutigineqartup taaguusernera
- c) Kalaallit Nunaata pisortatigoortumik taaguutaa
- d) Fabriksbugten, Narsap eqqaaniittup kalaallisut aqqa
- e) Kolonibugten, Narsap eqqaaniittup kalaallisut aqqa
- f) Taasariaqartut allat

Inuss. Inuull.

Abia Abelsen
NAA-ni siulittaasup tullia

Arnaq B. Johansen
NAA-ni allatsi



a) Tikilluaqqusineq

Nunat Aqqinik Aalajangiisartut siulittaasuata tullia Abia Abelsen tikilluaqqusivoq. Tikilluaqqusinnermi Abia Abelsenip ilaasortallu Tukummeq Qaavigap siunnersuutigivaat ataatsimiinnermi pingaaruteqartutut piaartumillu Aatsitassanut Ikummatissanullu Pisorta qarfirmut akissutissartalittut inissisimasoq, tassalu ataatsimiinnermi oqaluserisassaq b-tut inissisimasoq, tassa Tunumi Torsukattaap akiani nunaminertap Aatsitassanut Ikummatissanullu Pisorta qarfirmut saaffiginnissutigineqartup taaguuserneqarnera kisiat sammineqassasoq. Ataatsimiinnerup tullissaanut, apriilimi ingerlanneqartussamut sinneri kinguartissallugit Abia Abelsen Tukummeq Qaavigarlu isumaqatigiipput.

b) Tunumi, Torsukattaap akiani nunaminertap Aatsitassanut Ikummatissanullu Pisorta qarfirmut saaffiginnissutigineqartup taaguusernera


Tukummeq Qaavigap siunnersuutigivaa, siunissaq ungasinnerusoq eqqarsaatigalugu Kangerlussuarmi misissuinerit allat arlallit ingerlasarumaarnerat qularnaammat, nunaminertat qinnutigineqartut siunissami tunumiut pigisaat imaluunniit atortui immikkuutitaarlugit taaguusersuutigineqartassasut. Tassani assersuutitut eqqaaneqarput Nuussuup, Uummannap avannaaniittup qilleriviup taaguutaa ”qimusseq”, qimussillu atortui, soorlu qamutit allallu iluanni taaguutaasarsimasut. Taamannak isummernerminni eqqaavaat Kangerlussuarmi nunat aqqi kalaallisut amerlanngimmata, taaguusersuisoqaqqilissappat taaguutissanik nunguutsinissaq pinnginniassammat. Tamanna ataatsimiinnerup tullissaani qanoq isumaqarfigineqarnerasoq saqqummiunneqarumaarpoq.

Nunat aqqinik kalaallisuunik nunaminertap saaffiginnissutigineqartup nalaani soqanngimmat, taassuma ungasinngisaani kalaallisut nunat aqqi ”Qialivarteerpiip Kangertiva” ukioq 2011 tikillugu ”Agterteq”-mik taaguuteqarsimasoq, aammalu ”Qialivarteerpiik” nuunnguaq aallaavigalugit nunaminertaq saaffiginnissutigineqartoq Abia Abelsenip Tukummeq Qaavigallu siunnersuutigivaat ”**Qialivarpik**”-mik taaguuserneqassasoq. Tamanna pillugu allatsi Arnaq B. Johansen e-mail-ikkut Nunat Aqqinik Aalajangiisartut ilaasortaannut siulittaasuannullu siunnersuut qanoq isumaqarfigineqarnerasoq allappoq. Tassani Lotte Holm Christensen akuersilluni allammat Aatsitassanut Ikummatissanullu Pisorta qarfirmut akissutissap akuerineqarsinnaalernerana pivoq.

c) Kalaallit Nunaata pisortatigoortumik taaguutaa

Ataatsimiinneq aallartilaartoq Tukummeq Qaavigaq eqqarsaatersuuteqarfigisimallugu oqarpoq, kia imaluunniit kikkut oqartussaansut nunap aqqanik atsiisoqartartillugu. Tamanna tamakkerlutik takkullutik ataatsimiilerunik eqqartugassatut siunnersuutigivaat.

d) Fabriksbugten, Narsap eqqaaniittup kalaallisut aqqa



Oqaasileriffik Sprogsekretariatet

Tullissaani ataatsimiinnissamut kinguartinneqarpoq

e) **Kolonibugten, Narsap eqqaaniittup kalaallisut aqqa**
Tullissaani ataatsimiinnissamut kinguartinneqarpoq

f) **Taasariaqartut allat**

-

Inuss. Inuull.

Carl Christian Olsen Abia Abelsen Arnaq B. Johansen
Oqaasileriffik sinnerlugu NAA-ni siulittaasup tullia NAA-ni allatsi